

# INUIT ATAQATIGIIT INATSIARTUNI



UKA2024/29

03.Okt.2024

Mariane Paviasen Jensen

**Sumiiffinni immikkut toqqakkani takornariartunut kiffartuussinernik ingerlatsinissamut akuersissuteqartarneq pillugu Inatsisartut inatsisissaattut siunnersuut.**

(Inuutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq)

## **Oqaaseqaat:**

Inuit Ataqatigiit sinnerlugit siunnersuummik pissanganartumik pisariaqavissumillu Naalakkersuisut saqqummiussinerannut qujavugut.

Siunnersuutigineqartoq ukiuni arlaqalersuni oqallisaasimasuuvoq, takornariartitsineq ullumikkorniit pitsaanerusunik malitassaliorneqartariaqartut Inuit Ataqatigiinni isumaqarpugut.

Nunarput nunarujussuusoq inuttungeqisorlu ukiuni kingullerni annertuumik takornariassanit soqutigineqaleraluttuinnartuusoq tamatta arajutsisimanneqaarput. Oqaatigineqartarneratullu suli takornariaqarneq annertusigaluttuinnartussaavoq. Nunanilu allani misilittakkat aallavigigaanni aammalumi nunami maani misilittagarilikkagut uterfigilaaraani nalunangilaq takornariaqarnermut tunngasunik inatsiseqartariaqartugut. Inuit Ataqatigiinni qineqqussaarnermi tamanna aamma suliariumallugu saqqummiunnikuuvarput.

Inuit Ataqatigiinni tunngaviusumik isumarput tassaavoq nunatta pisuussutai nunatta inuisa tamarmiullutik iluaqutigisariaqaraat, aamma nunatsinnik

# INUIT ATAQATIGIIT INATSIARTUNI



oqartussaaneq atuisinnaaneq tassaasasq nunatta inuisa pisariaqartitaat,  
pisinnaasaallu aallaavigalugit ineriartortitassaq.

Oqartussaanerunerput nunani allaneersunit annerusq  
pisariaqartittuartaavaarput taamaammallu inatsisinik maanna  
eqqartulikkatsinnik suliaqarlutalu piviusunngortitsisussaavugut.

Siunnersuummi pineqartut tassaapput sumiiffinni immikkut toqqakkani  
takornariartitsinermut akuersissuteqartarneq pillugu inatsisissatut siunnersuut.

Siunnersuummi iluarisimaarparput Naalakkersuisup saqqummiussisup  
sulilluarnermigut peqataatinneqarsinnaasorpasuit tikillugit peqatigalugit  
inatsisissamik suliaqarsimaneq taamaaliornermi tassaammat Inuit Ataqatigiit  
tunngavitsinnik eqquisoq tassalu pineqartunik peqataatitsilluni inatsisiliorneq,  
ineriartortitsineq, oqartussaaqataanermillu misigititsisoq.

Siunnersuutigineqarpoq takonarissap angalatilluni kiffartuussinermik  
pisiaqarnera. Sinaakkusersorniarneqartoq isumaqatigilluinnarparput tassami  
anguniagaq tassaammat takornarialerinermi sulisut tassaasasut Kalaallit  
Nunaanni inuit allattorsimaffianni nunatsinni najugaqartutut  
nalunaarsorneqarsimasut, tassa ima paasineqassaaq takornariaqarnermi  
sullissineq takonarissat aamma piumasaat malillugu sullinneqarneq  
pilersinneqarsinnaalissaaq, takonarissammi arlaqartut nunatsinnut  
takornariarimatillutik pakatsissutigisalersimavaat nunatsinnit najugaqartunit  
sullinneqarsimannginnertik. Tamannami nammineq aamma oqarpoq  
pakatsinartuusimassasq nuna takorusutamut pilluni nunami allamiunit  
sullinneqarneq naammattumik pissarsinermik misigiffiusimanissaa  
annikinnerusarsimassammat nunaqavissumit sullinneqarnermiit.

# INUIT ATAQATIGIIT INATSIARTUNI



Inatsisissatut siunnersuummi aamma anguniarneqartoq tassaavoq takornarialerisutut sullissisut sumiiffinni killilersukkani kiffartuusineramik ingerlatsisinnaasoq.

Siunnersuutigineqarportaaq takornarissanik pilersuinermi pilersuisut tassaasasut suliffeqarfiit Kalaallit Nunatsinni qitiusumik suliffeqarfinnik nalunaarsuiffimmi (CVR-inik ulluinnarni taanneqartartuni nalunaarsorneqarsimasut.)

Naalakkersuisut sumiiffinni aalijangersimasuni takornarissanut neqeroortitsinissamat akuersissuteqartoqarsinnaaneranni iluarisimaarparput nunaminertanik takornarialerinissamat atukkiussinerni nunaqavissut piniariartut allatigulluunniit atuisut mattunneqartartusaannginneri.

Takoriartitsinermilu nunaminertanik atugassiinerit akuersissuteqarfigineqarneri ilaatigut ukiuni 20-inik amerlassusilinnik tunniusisoqartarsinnaanera anguniarneqarpoq tamanna takornariaqarnermik sullissisunit kissaatigineqarsimammat. Ukiulli taakku sivitsornissaannut qinnuteqartoqarsinnaasaaq taamaattorli ukiut 30-it sinnerlugit akuersissummik tunniusisoqartassanani.

Naalakkersuisut qinnuteqartoqarnerani pisinnaatinneqalissapput ataatsimiitiamik pilersitsisinnaalissapput atuisinnaalerlutillu, ataatsimiititaliap sulisinneqareernerata kingorna naligninnaasumik naalakkersuisut quppersagaanni, tusagassiutitigullu tusarniaanerit ingerlanneqartartussaaput, tasanilu piffinni nivinngaavinni tusarniaanerit aamma ingerlanneqartarsinnaanissaat anguniartariaqartoq Inuit Ataqatigiinni isumaqarpugut, kikkummi tamarmik nittartakkanut iseriaannaagatillu tusagassiutitigut malinnaaniarnerat tamakkiisuunngimmat.

# INUIT ATAQATIGIIT INATSISARTUNI



Pisinnaatitsissummik piginnittoq tassaalissaaq Kalaallit Nunaani ukiuni tallimani kingullerni najugaqarsimasutut nalunaarsorsimasoq, nunatsinnut akileraartartuusasoq, akiligassaqaqarnermullu tunngasunik aamma malittarisassaqaarluni.

Takornariaqarnermi aamma inatsitigut isumannaallisaannikkut pilersaarutini ersarissunik peqatoqarnissaa piumasagaatinut ilanngunniarneqartoq iluarisimaarparput. Takornariartummi innuttaasullu tamarmik toqqissisimanartumik ingerlatsiviusumik takornariartitsisarnermik ingerlatsisoqarnissaa pisariaqavimmat, ajutoortarnerit pisalereersut aammalu pisinnaasut eqqarsaatigalugit.

Inuit Ataqatigiinni nuannaarutigilluinnarparput nunatsinni aningaasarsiorfusinnaasut pitsanngorsaaffigineqalernerat, ukiuni amerlavallaanni tusartualigarput tassaavoq takornarialerinermi aasaanakkut tikeriarlutik aningaasarsioriarlutik ukiukkut nunaminnut angerlartartut taamaaliornermikkut nunatsinniit aningaasat nunatta iluaniiginnaratik nunanut allanut tuttarneri ilungersunartuumat. Taamaamat nunatta inuisa illersorneqarnerullutik periarfissaqaqarnerullutillu suliffeqarfimmik ineriartortumik suli annerusumik suliaqalersinnaanerat aningaasarsiorfiillu amerlisarneqarsinnaanerat anguneqalermat.

Pisinnaatitissummillu pigisaqalersut akitsuummik akiliillutik pisinnaatitsissummik pissarsisarnissaat, taakkulu saniatigut allaffissornikkut Naalakkersuisut takornarialerisunik sullissillutik aningaasartuutigisaannik akiligassinneqartanissaat iluaraarput.

Iluaraarputtaaq nunatta iluani takornariarfigineqarsinnaasut nakkutigineqarlutik tikiqqarsinnaangitsortaqartinneqarnissaat tassani nunatta inuisa atuinerat illersorneqarluni, tamatumallu aamma ilutigisaannik piffiit ilaanni ulorianaateqarsinnaasunut takornariarsinnaatitsinnginneq piulersussanngormat,

# INUIT ATAQATIGIIT INATSIARTUNI



tulliatullu tikinneqarsinnaasut immikkut aatsaat akuersissummik  
pissarseqqaarluni tikinneqarsinnaalersinneqartussangornerat kingullertullu  
killilersugaanngitsumik tikinneqarsinnaasunik pilersitsiniarneq.

Akuersissummillu pigisaqartup aamma malitassanik uniusimatillugu  
atuisinnaanermik arsaarneqarsinnaanera siunnersuutigineqarluni.

Inuit Ataqatigiit siunnersuut tigugatigu nuannaajallaatigeqaarput, ukiunimi  
amerlavallaanni eqqartorneqartuartoq maanna  
piviusinngortinneqarsinnalissammat tassalu takornariaqarnermi  
inuussutissarsiateqarneq ullumikkorniit pitsaanerusumik  
aningaasarsiorfigissagipput, tamannami pisariaqartilluinnarparput.

Siunnersuut pingaaruteqarlunilu annertujaamat, aammalu partiit allat  
isummersuutaat tusartussaagatsigit inuusutissarsiornermut aatsitassanullu  
ataatsimiititaliamut aappassaaniinnginnerani suliarineqarnissaa kissaatigaarput.

Qujanaq.